

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 1
Enero 7, 2010
www.philippinerevolution.net

Editoryal

Pataason ang lebel sang inaway banwa sa bag-ong dekada

Sa solido nga pusisyon subong ang Partido Komunista sang Pilipinas (PKP), Bag-ong Hangaway sang Banwa (BHB) kag rebolusyonaryong pumuluyo para mapasulong ang inaway banwa sa bag-ong dekada sa lebel nga wala pa sini nalab-ot sang nagligad.


Pinakamalig-on nga basehan sini ang natipon nga kusog, inagihan kag bulawanon nga kadalag-an sang inaway banwa sining nagligad nga masobra apat ka dekada, kag ang labi pa nga pagpanday sini bunga sang madinalag-on nga pag-atubang kag pagkapaslaw sa to-do-gera kag Oplan Bantay Laya sang rehimeng US-Arroyo sining natapos nga dekada.

Nakahatag sang dugang pa nga paborableng ob-hetibong kundisyon para sa labing pagsulong kag daku nga paglukso sang rebolusyong Pilipino ang paglubong sa depresyon sang pangkalibutanon nga sistemang kapitalista kag labi nga pagkalumos sa permanenteng krisis sang malakolonyal kag malapyudal nga sistema sa Pilipinas.

Determinado ang PKP kag tanan nga rebolusyonaryong pwersa nga tungdan ang mga hilikuton agud maglumpat sang daku ang inaway banwa sa una nga lima ka tuig sang bag-ong dekada halin sa lebel sang estratehikong depensiba padulong sa estratehikong pagkapatas.

Sa pag-atubang sang daku nga hangkat nga ini, madamo nga paghanda kag pagtinguha ang dapat pursigidong himuon sang tanan nga mga kadre, katapo, hangaway, aktibista kag rebolusyonaryong pumuluyo.

Una sa tanan, dapat labi pa nga padakuon kag pabaskugon ang Partido nga nagapamuno sa rebolusyonaryong hublag. Dapat pasanyugon ang pagrekrut labi na sa kubay sang mga mamumugon, iban pa nga



***Mga tampok sa
isyu nga ini...***

**Progresibong lider-
masa, nagsilong sa
BHB**
PAHINA 5

**16th IB, gin-ambus sa
Quezon**
PAHINA 6

**Hangkat sa
dominasyon sg dolyar
sa Latin Amerika**
PAHINA 10

masang anakbalhas kag petiburge-sya. Pandayon halin sa ila ang pila ka pulo ka libo nga proletaryong rebolusyonaryo nga makatudlo kag makapamuno sa pagrebolusyon sang pumuluyong Pilipino. Maabtik nga armas sila sang tatlo ka lebel nga edukasyon pang-Partido kag sige-sige nga hanason sila sa Marxista-Leninista-Maoista nga panindugan, panan-awan kag pamaagi. Maabtik nga tukuron ang mga sanga, grupo kag mas mataas nga lebel sang pagpamuno sa Partido sa mga lokalidad kag organisasyon, kag mga kinahanglanon nga sakop sang hilikuton.

Sige-sige nga hanason ang linibo nga kadre nga masaligan sa epektibo nga pagpamuno halin sa pinakabasehan tubtub sa pungsodnon nga lebel. Importante nga pagpagsikon ang pagpadala sang mga kadre kag potensyal nga kadre halin sa mga syudad kag sentrong banwa agud mag-entra sa hangaway sang banwa. Sa kaumhan pinakakinahanglanon ang pinakamadamo nga dugang nga kadre nga may mauswagon nga kinaiya nga proletaryo kag mataas nga intelektwal kag iban pang kahanasan.

Dapat labing paayuhon, pada-

muon kag makahason nga ilarga sa mga hilikuton ang ginatos ka libo nga mga aktibistang masa. Paagi sa ila, pila ka sulit nga napadaku ang ikasarang sang Partido kag hangaway sang banwa nga sakupon, pukawon, organisahon kag pahulagon ang masang anakbalhas kag iban pang sektor sang pumuluyo sa kaumhan kag kasyudaran, pareho sa tago kag hayag nga paagi.

Labing pasanyugon ang malapnagon kag masinsin nga pagpakig-away gerilya sandig sa nagapaladpad kag nagapadalom nga baseng masa. Natigayon na sang BHB ang maglunsar sang sobra isa ka taktikal nga opensiba kada adlaw. Masobrahan pa ini sa maabot nga mga tuig sa labing pagpadaku kag pagpasanyog pa sang aton hangaway sang banwa kag sa paghingalit sa mga kinagamo kag kahinaan sa bahin sang kaaway. Paduguon pa gid ang kaaway sa ulo kag lawas kag palanugon ang mga aksyong militar sa bilog nga kapuluan.

Dapat pabaskugon ang rekrutement sa BHB halin sa ginatos ka libong aktibista kag rebolusyonaryong pumuluyo sa kaumhan kag kasyudaran. Paayuhon ang ila konso lidasyon sa ideolohiya, pulitika kag

militar agud labi sila nga makapursiger sa malawigan nga inaway banwa kag magserbi nga maayong kadre sang Partido kag Pulang kumander sang BHB.

Himuan nga kusog-kumpanya ang daku nga mayoria sang mga prenteng gerilya, tinguhaon nga tukuron ang tig-isa ka platun bilang basehang yunit sang BHB sa kadam-an nga nasakop na nga mga banwa. Siguruhon ang pagtukod sang mga yunit sang milisya sang pumuluyo kag labing madamo nga kwerpo sa pagdepensa-sa-kaugalingon sa mga nakonsolida nga baryo. Mahimo nga magdeploy sang mga armadong partisano sa mga syudad nga sakop sang mga prenteng gerilya. Maid-id nga tun-an, mapisan nga preparahan kag epektibo nga pamatukan ang panibag-o kag mas pasingkion pa nga kontra-rebolusyonaryong oplan nga igabulos sa napaslawan nga OBL.

Tuyo sang subong nga malapnagon kag masinsin nga pagpakig-away gerilya ang nagapadyon kag kumulatibo nga paghigop sang kusog sang kaaway paagi sa nagapadamo nga bunal, labi na sa maluya kag nahamulag nga bahin sini.

Sa mga rehiyon kag prenteng gerilya nga kahanda na, mahimo nga amat-amat pasanyugon ang mga nagakaigo nga mga bertikal nga pwersa sang hangaway sang banwa kag isulong ang pila ka panugod nga elemento sang regular nga mahulag nga pagpakig-away sa proseso sang pagpalapnag, pagpasinsin kag pagpataas sang lebel sang pagpakig-away gerilya. Magaserbi ang mga ini nga matalunsay nga transisyon padulong sa lubos nga regular nga pagpakig-away nga mahulag nga amo ang pangunahon nga porma sang pagpakig-away sa halintang sang estratehikong pagkapatas.

Pabalud-balod naton nga palaparon kag pasinsinon ang rebolusyonaryong baseng masa. Padamu-



Tuig XLI No. 1 Enero 7, 2010

Ang *Ang Bayan* ginabantala sa lengwaheng Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.net

Nagabaton ang *Ang Bayan* sg mga kontribusyon sa porma sg mga artikulo kag balita. Ginabuyok man ang mga bumalasa nga magpaabot sg mga puna at rekomendasyon sa ikauswag sg aton pahayagan. Malab-ot kami paagi sg email sa:

angbayan@yahoo.com

Kaundan

Editorial

Pataason ang lebel sg inaway banwa	1
Anibersaryo sg PKP	4
Lider-masa, nagsilong sa BHB	5
AFP, napaslaw sa Samar	5

Madinalag-on nga opensiba

Ambus sa Cagayan Valley	6
Tropa sg 16th IB, ginlambatan	6
Mga kadalag-an sa Panay	6
Rebolusyong agraryo sa Caraga	7
Lider-Lumad, ginpatay	7
Pagbag-o sg klima	8
Kilat nga rali, ginlunsar sg MSP	9

Sa luwas sg pungsod

Hangkat sa dominasyon sg dolyar	10
Kasaysayan sg ALBA	11
Effigy ni Obama	12

Ang *Ang Bayan* ginabantala duha ka beses kada bulan sg Komite Sentral ng Partido Komunista ng Pilipinas


on kag paglig-unon ang pila ka milyon nga pumuluyo nga nagabilog sini subong. Pursigido naton nga tukuron ang magkatambi nga mga prenteng gerilya sa kadam-an nga mga distritong kongresyunal sa kaumhan nga wala pa nasakop sang subong nga mas o menos 120 prenteng gerilya. Sinsinon ang mga ini tubtub sa malab-ot ang kadam-an nga munisipalidad diri.

Malahalon nga mapalapad kag mapapagsik ang rebolusyonaryong baseng masa sa patag sang organisasyon, pulitika, militar, ekonomiya, kaayuhan pangpubliko kag kultura. Halin sa minilyon nga pumuluyo nga malab-ot sini, makarekrut kita sang pinakamadamo nga dugang nga pwersa sang Partido, hangaway sang banwa kag iban pang organisasyong masa.

Padayon naton nga pataason ang lebel sang konsolidasyon sang rebolusyonaryong baseng masa sa tanan nga lugar, tukuron ang mga demokratikong organo sang gubyrno sang pumuluyo kag iban pang organo sang gahum pangpulitika sa mga nakonsolidang sakop halin sa baryo, munisipalidad kag distrito pataas. Dapat ilarga ang kaugalingon nga pag-organisa kag demokratikong pagginubyrno sang pumuluyo sa ubay sang mga lokal nga organisasyon sang Partido sa mga konsolidado nga baseng gerilya. Pagahatagan sini ang Partido kag hangaway sang banwa sang daku nga ligwa para atubangon ang iban pang hilikuton, la-

kip na ang labi nga pagpasulong sang armadong paghimakas.

Sa kalitatibong pagpasaka sang lebel sang konsolidasyon sang rebolusyonaryong baseng masa kag pagbungkag sang poder pangpulitika sang kaaway sa malapad nga lugar, ginalantaw naton ang pagtuhaw sang mauswagon kag relatibo malig-on nga rebolusyonaryong baseng



masa kag patag sang gera, samtang nagaabante ang inaway banwa halin sa mauswag nga lebel sang estratehikong depensiba padulong sa lebel sang estratehikong pagkapatas.

Labi naton nga papagsikon, palapnagon kag pasingkion ang kahublagang masa kag anti-imperyalista, antipyudal kag antipasistang paghimakas sa lain-lain nga sakop sa bilog nga pungsod. Palaparon naton ang sakop, pataason ang lebel sang pagplano kag koordinasyon sang mga pangmasang paghimakas agud mas madamo pang pumuluyo ang mapa-entra, mas epektibong maagum ang mga katuyuan sini kag magdulot sang mas mabaskog nga bunal sa kaaway. Wala kakapoy naton nga palapnagon ang rebolusyonaryong propaganda sa lain-lain nga paagi kag alagyan para malab-ot, mapukaw kag mapahulag ang pinakamadamo nga pumuluyo kag mahabig sila sa rebolusyon.

Padayon naton nga pataason ang lebel sang militansya sang kahublagan kag pangmasang paghimakas tubtub magalab-ot ini sa mga pag-alsa sang pumuluyo sa lain-lain nga lugar sa kapuluan kag matay-og ang reaksiyunaryong pagginahum.

Samtang, ang kasingkion sang pangkalibutanon nga krisis sang kapitalismo magapainit sa iban pang

mga proletaryo, demokratiko kag anti-imperyalistang rebolusyon kag kahublagang masa sa lain-lain nga pungsod, labi na sa Ikatlong Kalibutan. Ginalauman naton ang labi nga pagbuligay sang mga proletaryong rebolusyonaryo kag iban pang progresibo, anti-imperyalista kag makipumuluyo nga kahublagan kag pwersa sa kalibutan. Magadulot sang inspirasyon kag kusog ang pagbuligay nga ini sa mga rebolusyonaryong kahublagan sa lain-lain nga bahin sang kalibutan.

Ang pagsulong sang madamo pang rebolusyonaryong paghimakas sa kalibutan kag pagpalapnag sang pangkalibutanon nga suporta sa inaway banwa sa Pilipinas magaserbi man nga malapad nga taming sa nagasingki nga pagpasilabot sang imperyalismong US sa rebolusyonaryong gera sa Pilipinas kag pagsulay sa nagahimumugto nga papet nga reaksiyunaryong estado. Samtang padayon nga makagahum ang ginakangil-aran nga rehimeng US-Arroyo, magapabilin ini nga mayor nga target sang pagbato sang bilog nga pungsod.

May magabulos man kay Arroyo nga iban nga puno nga papet, indi pag-untatan sang rebolusyonaryong hublag ang pagbato sa kabilugan nga reaksiyunaryo nga papet nga estado kag sistema tubtub indi ini lubos nga mapukan kag mabayluhan sang bag-ong demokratikong estado kag sistema nga may sosyalista nga perspektiba.

Depende sa kaseryosohan sang magabulos nga rehimen sa proseso pangkalinungan, mahimo nga maresolba ang pila o kadam-an sang sustantibong handum sang rebolusyon kag pumuluyo. Makabulig ang liwat nga pagbukas kag pagpasulong sang sugilanon pangkalinungan sa pag-agum sang rebolusyonaryong katuyuan kag sa pagpalipot sa mga halintang kag kabilugan nga proseso sang malawigan nga inaway banwa.

AB

Anibersaryo sang PKP, madinalag-on nga ginhiwat sa Mindanao

Madinalag-on nga ginhiwat ang mayor nga pagsaulog sa Mindanao sang ika-41 anibersaryo sang Partido sa pagpamuno ni Jorge "Ka Oris" Madlos sa pihak sang hayag nga mga paglapas sang AFP sa kaugalingon sini nga deklarasyon sang untat-lupok nga nagluntad kuno sang Disyembre 24-26. Naglab-ot sa 3,000 katawo ang nagtambong sa maduagon nga selebrasyon. Lakip diri ang mga pumuluyo halin sa ibang prubinsya, banwa kag baryo, 39 taga-midya kag mga lokal nga pulitiko.

Nagpanawagan si Ka Oris sang lubos nga pagpatuman sang mga hilikuton sang tanan nga rebolusyonaryong pwersa sa masunod nga lima ka tuig para maabot ang estratehikong pagkapatas halin sa estratehikong dependensiba.

Ginpanawagan niya ang pagpasigki sang armadong paghimakas. Siling niya, 90% sang masobra 300 mabaskog nga armas nga nadugang sa arsenal sang BHB sa Mindanao sang 2009 ang naghalin sa mga taktikal nga opensiba batuk sa mga militar kag pulis. Pila ka gatos ka libo nga mangunguma ang nabene-pisyuhan sa pagsulong sang rebolusiyong agraryo sa bilog nga Mindanao. Nakapalapad man sila sang erylanting ginahulagan sa Northeastern Mindanao Region (NEMR) kag iban pang bahin sang isla.

Matingkad man sa pagsaulog ang pagpasidungog sa mga katapo sang midya nga ginpatay sa Ampatuan, Maguindanao sang Nobyembre 23. Pagkatapos basahon ang pahayag sang pagpasidungog, isa-isa nga gintawag ni Ka Oris ang mga ngalan sang 31 katapo sang midya nga biktima sang masaker sa Maguindanao. Ginpangunahan naman ni Ka Maria Malaya, tagapamaba sang NDF-NEMR kag mga bisita nga mamahayag ang pagsindi sang mga kandila para sa mga namartir nga tagamidya.

Mga paglapas sang AFP sa untat-lupok. Samtang, ginbuyagyag ni Ka Oris ang tuyo sang AFP nga bulabugon ang mayor nga selebrasyon sang NDF-Mindanao. Nagtu-


kod ang mga tropa sang 58th IB kag 41st DRC sang mga tsekpyont sa Barangay Ganayon kag Diatagon sa Lianga, Barangay Poblacion kag Buhisan sa San Agustin kag Barangay Amontay sa Marihatag sang Disyembre 25 para iharas ang mga pumuluyo, alyado kag abyan nga gusto magtambong sa kahiwatan. Ginpahog ang pila ka drayber sang motorsiklo para makuhaan sang impormasyon sa aktwal nga lugar nga hiwatan sang selebrasyon.

Isa ka adlaw pagkatapos sang kahiwatan, isa ka kumpanya halin sa mga nasambit nga yunit-militar kadungan ang duha ka *armored personnel carrier*, isa ka tangke, isa ka *military jeep* kag isa ka *military pick-up* ang nagsulod sa ginhiwatan sang selebrasyon sa Barangay Mahaba, Marihatag pero matawhay nga nakahalin ang mga gerilya pagkatapos makaguwa ang imbitadong mga tagamidya kag iban pang bisita. Maid-id nga ginsubaybayan sang BHB ang hulag sang kaaway. Hugot ang tagubilin sa mga gerilya nga indi pagpalukpan ang mga yunit-militar bilang pagrespeto sa pagsaulog sang mga residente sa bag-ong tuig.

Samtang, ginpapundo sa mga tsekpyont kag ginrekisa ang mga salakyan nga naghalin sa Marihatag kag ginkuhaan sang bidyo ang mga pasahero. Maisog naman ini nga gin-atubang sang midya kag iban pang pumuluyo. Ginkuhaan man sang bidyo sang midya ang amo nga

harasment kag ginpaguwa ini sa TV.

Sang Disyembre 25 man, nagtukod sang *tactical command post* ang 58th IB malapit sa lugar nga pagahiwatan sang selebrasyon sa Front 30 sa may Tago River, San Manuel, Surigao del Sur. Pagkaaga, nagpusisyon na ang mga militar bilang paghanda sa pag-atake. Nagdesisyon ang komite nga nagadumala sa kahiwatan nga indi na pagpadayunon ang ibang bahin sang programa kag isaylo ang mga pwersa sang gerilya kag pumuluyo para makalikaw sa inaway. Pero bangud sa padayon nga pagsulong sang AFP, nag-engkwentruhanay sang aga sang Disyembre 27 ang isa ka yunit sang AFP kag isa ka yunit sang BHB, nga ginkapilas sang pila ka soldado. Nagbalos ang AFP paagi sa pagpalupok sang 105 mm *howitzer*, apang wala sini maigo ang target. Pagkaaga, duha ka helikopter ang ginpadala sang kaaway para kuhaon ang mga kaswalti nga soldado. AB



Progresibong lider-masa sa Davao City, nagsilong sa BHB

Pormal na nga ginpabutyag sang isa ka anay progresibong lider-masa sa Davao City nga siya nagpasilong sa Bag-ong Hangaway sang Banwa (BHB) kag ara subong sa pag-amlig sini.

Suno kay Alvin Luque, anay pangkabilugan nga sekretaryo sang Bagong Alyansang Makabayan, “Ini ang pinakamatarung nga desisyon para sa akon bangud ang mga organisasyon nga ini ang makagarantiya indi lang sa kaluwasan ko sa pulitikal nga pagpamatay kundi, labi sa tanan, sa kahilwayan sang pumuluyo sa mabaskog nga pagpamigos sang reaksyunaryong pasistang estado.”

“Nagaginhawa pa gihapon ako kag nagabato bangud sa desisyon ko nga ini,” siling ni Luque. Halin pa sadtong 2002, si Luque ginlakip na sang Armed Forces of the Philippines (AFP) sa *order of battle* sini kag nangin target sang mabaskog nga presyur sang militar. Ginpasa-kaan siya sang mga himu-himo nga kasong arson kag rebelyon kag gintuyo nga arestuhon sadtong 2007.

Naghayag si Luque sang Disyembre 26 sa kahiwatan sang anibersaryo sang PKP sa Marihatag, Surigao del Sur, sa pagpanguna sang NDF. Suno kay Luque, nagdesisyon siya nga ibuyagyag sa publiko ang iya sitwasyon para maghipos na ang lain-lain nga ispekulasyon kag kabutigan nga ginalibod sang AFP halin nga madula siya sa ligal nga demokratikong kahublagan sang 2007.

Ginpaathag ni Luque nga nagdesisyon siya nga magpasilong sa BHB bangud kon pabay-an niya nga arestuhon siya, mangin bulnerable siya sa lain-lain nga klase sang atake, labi pa nga ginbansagan siya sang AFP nga “kaaway sang estado.” Ginainsister ni Luque nga inosente siya sa mga kaso nga kriminal nga ginpasaka sa iya sang AFP sa isa ka korte sa Davao City.

“Gusto ko tani mag-atender sa pagbista kag ihayag ang akon bahin, pero ini imposible nga himuon sa idalom sang rehimen nga ini nga wala sang ginapili.”

Gintumod niya nga sa idalom sang rehimen US-Arroyo, masobra isa ka libo na nga kritiko sini ang nabiktima sang ekstrahudisyal nga pagpamatay, lakip ang midya, abugado kag tawong simbahan. “Indi ako pwede nga maghipos na la-



mang sa sunud-sunod nga pagpamatay kag magpakuno-kuno nga maayo ang kahimtangan. Kinahanglan maghimo sang matarung nga aksyon. Gani katungdanan ko nga himuon ang tanan nga akon masarangan indi lamang para mabuhi kundi padayon nga mabuhi nga nagabato para sa pumuluyo nga wala untat nga ginahimuslan kag ginapigos sang rehimen.” **AB**

AFP, napaslawan sa Samar

Sa pihak sang pagkara-kasa ni Gen. Arthur Tabaquero, hepe sang 8th ID sang Philippine Army, napaslawan gihapon ini nga dugmukon ang rebolusyonaryo nga armadong paghimakas sa rehiyon. Halin Enero tubtub Nobyembre 2009, madinalag-on nga nakalunsar ang BHB sang 60 taktikal nga opensiba kon sa diin nakakumpiska sila sang 37 armas kag nakapatay sang 90 elemento sang kaaway.

Partikular sa prubinsya sang Samar, maisog nga ginpaslaw sang BHB kag sang pumuluyo ang napulo’g pito (17) mayor nga opensibang militar sang 8th ID nga ginalakipan sang 14 batalyon kadaku, duha brigada kadaku kag isa ka dibisyon kadaku nga operasyon.

Sa atubang sang mapintas nga pagpanalakay, wala sang nabungkag nga yunit sang BHB sa nasambit nga prubinsya. Sa baylo, nakalunsar sang mga kontra-opensiba ang mga yunit sang BHB, siling ni Ka Vicente Magbuhat, tagapamaba sang Arnulfo Ortiz Command sang BHB sa prubinsya sang Samar.

Halin Enero tubtub Nobyembre 2009, nakalunsar ang BHB diri sang 32 taktikal nga opensiba, nakaagaw sang 18 mabaskog nga armas kag mga bala, nakapatay sang 21 soldado kag nakapilas sang napulo. Bunga sang pagpakigsumpong nila sa mga reaksyunaryo nga pasistang tropa, napataas sang mga Pulang hangaway ang ila ikasarang mag-away.

Wala man sang prenteng gerilya sa Samar nga napakitid sang kaaway bangud lamang sa desperado nga pagsabwag sini sang pasistang kakugmat. Sa kamatuoran, nakabukas pa ang BHB sang dugang nga erya nga mahulagan.

Bangud sa padayon nga pagbaskog sang rebolusyonaryong pwersa sa Eastern Visayas, napilitan nga akuon ni General Tabaquero nga indi nila masarangan dugmukon ang BHB sa gintalana nila nga dedlayn. **AB**



Ambus sa Cagayan Valley

Suno sa pinakaulihi nga report-koresponsal halin sa Cagayan Valley, napulo ka elemento sang 17th IB ang napatay sa magkasunod nga mga pagpang-atake sang mga Pulang hangaway sa idalom sang Henry Abraham Command-BHB sa East Cagayan.

Sang Oktubre 28, apat tropa sang ginpagamay nga platon sang 17th IB ang napatay sang lambatan sila samtang nagapatrulya sa Barangay Sta. Clara, Sta. Ana.

Sang Oktubre 30, anom ang kumpirmadong napatay sa 15-minutos nga inaway sa tunga sang BHB kag isa ka platon sang kaaway sa Baryo Kapanikian, banwa sang Sta. Ana. Mga lima ka metros lamang ang kalayuon sang kaaway antes sila palukpan sang mga Pulang hangaway. Naagaw sang BHB ang isa ka M16 kag napulo ka magasin nga puno sang bala.

Todo dalagan ang mga kaaway sang maambusan sila. Sa talon na napatay ang mga suldado nga n-igo sang bala.

Nag-umpisa ang mabaskog nga operasyon militar sang kaaway sang Oktubre 12 sang magbuhi ang 17th IB sang Reengineered

Special Operations Team (RSOT) sa mga baryo sang Sta. Clara, Kapanikian kag Dungeg para magsabwag sang terorista nga kahadlok batuk sa pumuluyo nga nagapamatuk sa pagpang-agaw sang duta sang Cagayan Export Zone Authority sang dinastiyang Enrile. **AB**



Mga kadalag-an sa Panay

Ginpahayag ni Concha Araneta, tagapamaba sang Panay Regional Party Committee, nga sadtong nagligad nga tuig nakalunsar sang 13 taktikal nga opensiba ang BHB. Nakadulot ini sang 21 kaswalti sa kaaway upod na ang walo patay kag 13 pilason. Ang mga ini, suno kay Araneta, amo nga bahin lang sang naangkon nga mga kadalag-an sang Partido sa bilog nga isla. Maluwas sa armadong paghimakas, sige-sige man ang paglarga sang mga aksyon protesta sa kaumhan kag mga sentrong urban sang isla batuk sa tiko nga rehimen.

Suno kay Araneta, sa pihak sang ginpaigting nga mga opensiba militar sa idalom sang OBL, ang mga rebolusyonaryong pwersa labi pa nga nagbaskog. Sa palaabuton nga mga binulan makumpleto na ang duha tubtob tatlo ka daku nga kumpanya nga prenteng gerilya. Kaangut sini, nagasalig sila nga mapaslaw nila ang kontra-rebolusyonaryong kampanya sang kaaway. **AB**

Tropa sang 16th IB, gin-ambus

Indi magnubo sa tatlo ka sulda-Ido sang 16th IB ang napilasan sang salakayon sang mga katapo sang Mario Corpuz Command sang BHB ang detatsment sang Alpha Company sang 16th IB sa Sityo Taiwanese, Barangay Magsaysay, Infanta, Quezon sadtong Enero 4.

Nakaagaw ang BHB sang mga riple, pistola, mga bala kag mga gamit pangkomunikasyon. Nabilin ang mga ini sang magdinalagan ang isa ka iskwad sang militar nga ginapamunuan ni Lieutenant Marcos. Wala sang anuman nga kaswalti sa bahin sang BHB.

Samtang, ginpahayag sang Apolonio Mendoza Command (AMC) sang BHB nga nagahulag sa bahin sang Bondoc Peninsula nga 18 armas ang ila naagaw sa pagsalakay nila sa istasyon sang pulis sang San Narciso, Quezon sang Disyembre 20. Ginpanginwala sang AMC nga sila ang may kahimuan sang pagsunog sa walo ka kwarto sang eskwelahan sa banwa sang Catanauan sang Disyembre 26. Siling sini, mahimo nga ang pagsunog kabahin sang operasyon saywar sang AFP bangud hungod nga ginhimo sang mga kriminal nga ginhimo ini sang BHB.

Sa prubinsya sang Rizal, ginmanduan na sang Narciso Antazo Aramil Command (NAAC) ang mga yunit sini nga maglunsar sang mga taktikal nga opensiba batuk sa kaaway sandig sa panawagan sang Partido. Antes pa ini, madinalag-on nga nakahimo sang taktikal nga opensiba sang Disyembre 7 kag 9, bagay nga labing gin-kaugot sang 16th IB nga ginapamunuan ni Lt. Col. Marc Ernest Rosal. **AB**

Pila ka pulo ka libo nga mangunguma sa Caraga, nakaganar sa rebolusyong agraryo

Masobra 30,000 mangunguma na ang nakabenepisyo sa koordinadong kampanya sa rebolusyong agraryo nga ginlunsar sang rebolusyonaryong hublag sa nagkalainlain nga baryo kag banwa sa rehiyon sang Caraga (Northeastern Mindanao) sining 2009. Ini ang panugod nga pahayag nga nakalap sang *Ang Bayan* sa pag-interbyu sa mga nagapamuno nga kadre sang Partido sa rehiyon.

Nag-umpisa ang kampanya sang Abril kag nagtapos ini sang Disyembre.

Sa sulod sang anom ka bulan, halos tanan nga mga prenteng gerilya nakalunsar sang masobra 30 antipyudal nga aksyon masa. Nakalunsar ang mga baryo lebel nga aksyon masa sa 23 baryo. Nagtum-ok ini sa pagpataas sang suhol sang mga mamumugon sa uma kag pagpanubo sang interes sa pautang kag sa arkila sang kagamitan sa produksyon. Nakalunsar man sang pito ka inter-baryo nga kampanya nga mayor nga nakasentro sa pagpataas sang presyo sang saging kag niyog. Naglab-ot sa 36 baryo kag 380 pamilya ang direktang nagpartisipar sa nasambit nga kampanya.

Nakabenepisyo diri ang 6,780 pamilya o masobra 33,900 katawo halin sa walo ka baryo.

Labing ginkalipay sang masang mangunguma ang pag-agum nila sang mga benepisyo. Sadto tuman ka daku ang buhin sa kita sang mga manugniyog ang pagbuhin sa kwenta sang “bungkig” o anuman nga kulang sa eksaktong tatlo, apat o limang kilo nga bug-at kada sako. Naduso nila nga iupod na sa kwenta ang “bungkig.”

Naduso man nila ang P150-200 kada adlaw nga suhol sa mga nagatrabaho sa niyugan, maluwas sa libreng panyaga kag meryenda. Sadto, ang suhol P100-120 kag indi libre ang pagkaon. Ang *hand tractor* nga sadto ginaarkilahan sang P150 kada oras nangin P120 kada oras na lang ang bayad. Ang bayad sa kada

P1,000 utang nga 5 tubtob 7 sako nga palay nabag-o na sa 3 sako nga palay na lang.

Naagum sang mga mangunguma kag mamumugon sa uma ang ila nga mga ginademanda pagagi sa pagpakignegosasyon sa mga agalon nga mayduta kag komersyante-usurero. Sa negosasyon, maathag nga ginpabutyag sang mga mangunguma ang ila nga mga pagtuon nga nagapakita sang tuman ka sobra ang kita sang mga agalon nga mayduta kag komersyante-usurero kag pagkaagrabya-



do man sang mangunguma. Wala sang nahimo ang mga agalon nga mayduta kag komersyante sa atubang sang matarung nga demanda sang mga mangunguma kag sa epektibo nila nga pamaagi sa pagnegosasyon.

Ang mga kadalagan nga ini dugang sa mga nauna na nga kadalagan nga naani sa sustenidong paglunsar sang rebolusyong agraryo sa Caraga. Sa subong, halos 20% sang kabilugang isip sang mga baryo nga ginahulagan sa rehiyon ang nasakop sang antipyudal nga kampanya. Sige-sige nga ginapalapad ang sakop sang rebolusyong agraryo bilang malig-on nga basehan sa pagsulong sang armadong paghimakas, pagpalapad kag pagkonsolida sang baseng masa. **AB**

Lider sang lumad, ginpatay

Gin-ambus sang mga armadong lalaki sadtong Disyembre 24 si Alberto “Berting” Pinagawa, 54 anyos, samtang nagalakat pauli sa ila barangay. Natabo ang krimen sa Barangay Eureka, Gingoog City, Misamis Oriental. Nag-agum si Pinagawa sang 20 igo sang bala sang M16 nga amo ang ginkamatay niya.

Antes siya ginpatay aktibo nga nagahulag si Pinagawa batuk sa pagtroso sang Southwood Timber Corporation nga may 11,476 ekaryas nga konsesyon nga ginasakop tubtob sa duta sang katigulangan sang mga Higaonon. Sakop man sang 25-tuig konsesyon ang mga kritikal nga *watershed area* sa lugar.

Sa pihak sang madamo nga pagpamahog sa iya kabuhi, nagpadayon si Pinagawa sa pagkampanya batuk sa mga kumpanya sang pagtroso para mauntat na ang pagkalbo sang katalunan, labi na sa duta sang katigulangan sang mga Higaonon.

Pagkatapos siya patyon gin-endorso sang Sanguniang Panglungsod sang Gingoog City ang resolusyon nga isumite sini sa DENR para ibasura na ang Integrated Forest Management Agreement (IFMA) nga ginhatag sang DENR sa Southwood Timber.

Si Pinagawa ang ika-140 na nga Lumad nga nagapangapin sa duta sang katigulangan nga ginpatay sa Northern Mindanao halin sang 2001. **AB**

Tapuson ang monopolyo kapitalismo para pungan ang pagbag-o sang klima

Ang masunod ginsipi halin sa pahayag ni Prof. Jose Maria Sison, tagapangulo sang International League of Peoples' Struggle bahin sa kritisismo niya sa Climate Change Summit nga ginhiwat sang Disyembre 7-18 sa Copenhagen, Denmark. Ang pagtipon gintambungan sang mga tiglawas sang halos tanan nga pungsod sa kalibutan para atubangon ang problema sang pag-init sang temperatura sang kalibutan. Pero puro wala unod nga promisa ang resulta sang kumperensya bangud sa dominasyon kag pagpanabotahe sang mga imperyalistang pungsod, pangunahon na ang US.

Ang wala katulad nga pagtaas sang ginabuga nga *greenhouse gas* (GHG)* nga nagatuga sang pagtaas sang temperatura sang kalibutan kadungan sang pagsulod sang sistemang kapitalista sadtong rebolusyong industriyal kag kadungan sini ang paggamit sang mga makina kag mga panggatong pareho sang mga produktong petrolyo kag uling nga karbon para sa transportasyon kag enerhiya. Bunga sang wala renda, magastos kag mahigko nga produksyon sang kapitalista para magtuga sang ganansya, nabutang ang kalibutan sa bibi sang pagkawasak. Sa sistema kon sa diin ganansya ang mayor nga tuyo sang produksyon sang katilingban, ang kapalibutan kag naturalisa ginakuhaan na lang sang hila nga materyales kag tambakan sang mga mahilig magpatuyang.

Doble-doble nga pag-antus ang dulot sang pagpangdambong kag polusyon sa mga komunidad nga imol. Ini man ang komunidad nga pinakabulnerable sa mga balos sang naturalisa, sang nagaabot sa porma sang mga baha, tag-ilinit kag iban nga kalamidad nga dulot ukon ginapabaskog sang nagaluntad nga wala sang balanse sa naturalisa. Ang kababainhan kag mga bata ang nagabatas sang mas grabeng igo sang mga kahimtangan nga ini bangud sa mas daku nga peligro sa ila ikaayong lawas, kag mga dugang nga komplikasyon sa ila papel sa produksyon kag reproduksyon.

Madasig nga nagalapta ang sistematiko kag wala untat nga pagguba sa katalunan paagi sa indus-

trial nga pagtroso. Ang pagkaguba sang katalunan sang kalibutan naglabot man sa kumbersyon sang mga tanom agrikultural para sa mga pang-eksport nga pananom, pastuhan sang baka o tanuman sang isa ka klase sang kahoy. Sigesige ang wala patawad nga pagkutkot sang mga mineral kag wala untat nga pagpanghalit sang mga multinasyunal nga korporasyon sa pagmina sa Asia-Pacific, Latin America kag Africa nga duna nga bugana sa mga depositong mineral.

Nagatuga ini sang malaparan nga pagkaguba kag paghigko sang kapalibutan, lapnagon nga kakulang sang lupa kag dislokasyon, pagkadula sang pangabuhian, pagkaguba sang lokal nga kultura kag lapnagon nga mga paglapas sa tawhanong ki-



namatarung sa mga rehiyon nga ini.

Ang pinakaulihi nga mga agresyon sang US kag mga alyado sini indi lang nagpadaku sa produksyon, baligyaanay kag paggamit sang mga armas nga pangpapas kundi nagtuga pa sang malaparan nga pagkaguba kag paghigko sang mga propyedad, ikaayong lawas kag kapalibutan sa Balkans, Afghanistan, Iraq kag iban pang pungsod nga nahalitan sang gera. Ang paghawan sang mga talon kag kumbersyon sang mga duta ginhungod para sa padayon nga mga paghanas-militar sa lain-lain nga bahin sang kalibutan sa pagpanguna sang US nagahigko sa kapalibutan kag nagasamad sa duna nga puluyan. Padayon nga nagahalit sa kapalibutan ang mga makahililo nga basura subong kag daan nga mga base militar sang US. Indi lang direktang agresyon militar sang US ang dala sang mga paghanas-militar sang US kundi pati peligroso nga mga armas kag basura halin sa nasambit nga mga aktibidad.

Ang US ang numero uno nga manughimo sang mga GHG subong. Sa US naghalin ang 28% sang tanan nga GHG nga ginabuga sa bilog nga kalibutan halin sang 1840. Mas o menos 84% sang GHG nga ginabuga sang US nagahalin sa sektor sang enerhiya kag kuryente nga ginapadalagan sang petrolyo. Ang US man ang pinakadaku nga manugproseso kag wala renda nga nagagamit sang langis kag produktong petrolyo sa bilog nga kalibutan.

**Ang mga greenhouse gas (GHG) amo ang nagapadamol sa atmospera kag bangud diri nakulong sa kalibutan ang init halin sa adlaw gani nagainit ang pangkalibutanon nga klima.*

Pero indi gusto sang gubyer-nong US nga aprubahan ang Kyoto Protocol, internasyunal nga kasug-tanan nga pirmado sang 169 ka pungsod nga nagatuyo panubun sang 5.2% ang pangkalibutanon nga lebel sang ginabuga nga *car-bon dioxide* kag lima ka iban pang GHG halin sa lebel sang 1990. Ang US man ang padayon nga nagapa-katig-a sa malawigan kag madasig nga pagbuhin sang ginabuga sang GHG sa nagapadayon nga negosa-syon para sa mga bag-o nga kasug-tanan sa idalom sang United Nati-ons Framework Convention on Cli-mate Change sa Copenhagen.

Ginpalala na sang pagbag-o sang klima ang iban pang problema sa ka-palibutan nga ginaatubang sang mga imol nga komunidad tuga sang naga-palala nga pagsamad sang imperya-listang globalisasyon sa aton kapali-butan. Indi na ini halambalanon kon kahimuan sang tawo ang peligroso nga pagbag-o sang klima kundi kon paano malikawan ang makahalalit nga epekto sini sa sobra katunga sang populasyon sang kalibutan nga pinakabulnerable diri. Dapat mag-ako sang responsibilidad ang mga indus-triyalisadong pungsod sa paghimo sang mga tunay nga target kag indi pag-ipasa ang obligasyon sa mga atrasadong pungsod. Dapat pabasku-gon ang ikasarang sang mga lokal nga komunidad nga magsabat sa mga kalamidad. Dapat himuon sa lebel sang mga komunidad ang programa para maayo nga makasabat sa mga kalamidad, mamonitor ang mga ini kag mabuhinan ang mga halit nga dulot sini. Dapat man hatagan sang pangabuhian ang mga bulnerable sa epekto sang pagbag-o sang klima.

Daku na nga pagsulong ang naabot sa teknolohiya apang wala man ginagamit ang mga ini para lubaron ang mga basehang proble-ma sang katawhan pareho sang pagbagsak sang mga sistema sa ikaayong lawas, gutom, pagkaguba sang naturalisa kag paglala kag

disintegrasyon sang katilingban. Sa baylo, ginbuksan sang wala sang renda nga kapitalistang glo-balisasyon ang mga resorsa sang Ikatlong Kalibutan para sa bentaha sang mga korporasyong transna-syunal nga nagakuha sang hilaw nga materyales samtang nagabilin sang ila basura sa mga komunidad kon sa diin sila nagaoperasyon.

Dapat ibaylo ang direksyon sang produksyon kag konsumo ba-se sa mga kinahanglanon sang ta-wo imbes sa wala sang katapusan nga akumulasyon sang ganansya pa-ra sa pila. Dapat kolektibong kontro-lon sang sosyedad ang mga produk-tibong resorsa para masabat ang ki-nahanglanon sang sustenableng

kauswagan sa katilingban, malikawan ang sobrang produksyon, sobrang konsumo, sobrang pagpanghimulos sa mga tawo kag sa kapalibutan nga indi malikawan sa nagaluntad nga sistemang monopolyo kapitalismo.

Agud matapna ang pagbag-o sang klima, dapat naton tapuson ang sistematikong pagdambong sa kapalibutan para sa sobrang ga-nansya sang mga korporasyon sa mga industriyalisadong pungsod. Dapat organisahon kag sakdagon ang aton palaabuton batuk sa pa-lakan-on kag nagahuyango nga sis-tema. Dapat tapuson ang paghari sang monopolyong kapital sa aton kabuhi kag itukod ang sosyalistang palaabuton. **AB**

Kilat nga rali, ginlunsar sang MSP

Naglunsar sang kilat nga rali sadtong Nobyembre 26 ang Makaba-nyang Samahang Pangkalusugan (MSP) sa Maynila kaangut sang pagsaulog sang ika-31 anibersaryo sang pagkatukod sang ila orga-nisasyon.

Sa ila nga pahayag, nagapanawagan ang mga katapo sang MSP sa tanan nga mga doktor, nars kag empleyado sa ikaayong lawas nga magpatapo sa Bag-ong Hangaway sang Banwa (BHB) kag mag-partisipar sa inaway banwa sa kaumhan.

Sa kasyudaran, aktibo nga nagasabat ang MSP sa panawagan sang Partido Komunista sang Pilipinas kag National Democratic Front of the Philippines (NDFP) nga makigbuligay kag maghulag upod sa pumuluyo nga makatibawas sa kalamidad.

Nakalunsar ini sang mapagsik nga *relief operations*, misyong me-dikal kag *stress debriefing* sa mga imol nga komunidad nga nahali-tan sang kalamidad. Naghulag ang MSP para sukton ang rehimeng Arroyo sa kriminal nga pagpabaya sini sa mga biktima sang kalami-dad kag responsibilidad sini sa malapad nga kalamidad nga naag-yan sang pumuluyo.

Sa kaumhan, aktibo nga nakigbuligay ang MSP sa mga prenteng gerilya sa paglunsar sang mga paghanas medikal sa kubay sang mga medik sang BHB kag mga komite sa ikaayong lawas sang mga rebo-lusyonaryo nga organisasyong masa sa mga baryo para masabat ang mga kinahanglanon pang-ikaayong lawas sa baylo nga magsalig sa bulok nga programa pang-ikaayong lawas sang rehimeng Arroyo.

Samtang, naglunsar sang operasyon pinta (OP) ang mga katapo sang Artista at Manunulat ng Sambayanan (ARMAS) sa pila ka ba-hin sang Quezon City bilang pagdumdom sa ika-41 anibersaryo sang Partido.

Ang MSP kag ARMAS kabahin sang mga kaalyado nga organisas-yon sang NDFP. **AB**



Hangkat sa dominasyon sang dolyar sa Latin America

Disyembre 14 sang gin-anunsyo sang mga tiglawas sang Bolivarian Alliance for the Peoples of our America (mas kilala sa tawag nga Alianza Bolivariana para los Pueblos de Nuestra America, o ALBA) ang pag-angkon sang komun nga kwarta sa kubay sang mga katapu nga pungsod sini. Ginhingalanan nga *sucre* (Sistema Unico de Compensacion Regional o Unified System for Regional Compensation) ang bag-ong komun nga kwarta sang mga myembro sang ALBA. Sugod subong nga Enero 2010, magabulos na ang *sucre* sa dolyar bilang pangunahong kwarta nga gamiton sa bayluhanay sang balaklon kag serbisyo sa kubay sang mga myembrong pungsod sang ALBA.

Magatukod ang ALBA sang isa ka bangko sentral nga nakabase sa Venezuela kag mga sanga sa mga myembro nga pungsod. Ipaagi ang transaksyon pangbaligyaanay kag pangpinansya sa kubay sang mga myembro sang ALBA sa tunga sang mga bangko nga ini.

Indi pa gilayon nga pagagamiton ang *sucre* bilang pangsulod nga kwarta sa mga lokal nga ekonomya. Pagagamiton anay ini sa panggwa nga baligyaanay, kag sa umpisa magaagi pa ang transaksyon sa mga bangko nga ALBA. Daan na nga nagabaligyaanay ang mga pungsod nga ALBA nga wala naga-gamit sang dolyar bilang kwarta, kundi paagi na sa direktang bayluhananay sang mga produkto kag serbisyo. Subong magamit na nila nga instrumento ang *sucre* para mas mapahapos kag mapauswag pa ang baligyaanay sa kubay nila. Halimbawa, kon magbakal ang Venezuela sang mga bayo halin sa Bolivia, pwede ini nga bayaran sang Venezuela sang langis o anuman nga produkto o serbisyo nga kinahanglanon sang Bolivia. Kon may kambyo o diperensya sa balor sang bayluhanay, pagabayaran ini sa porma sang kwartang *sucre* nga ipaagi sa mga bangko nga ALBA. Igapasa ang kambyo paagi sa sen-

tral nga bangko kag lokal nga sanga sa elektronikong paagi. Awtomatiko makumberter sa lokal nga kwarta ang balor sang kambyo igabayad sa natungdan nga lokal nga empresa o gubyerno.

May planong gamiton man sa masunod nga tinuig ang *sucre* pati sa mga pangsulod nga transaksyon sang mga myembro sang ALBA, pareho sang pagamit sang *euro* sa sulod sang mga pungsod nga myembro sang European Union kag sa paggamit sang *ruble* sa mga pungsod sang blokeng Soviet sadto.

Ang pagkalunsar sang *sucre* nga pamatuod sang determinasyon sang ALBA kag mga myembro nga pungsod sini nga batuan ang imperyalismo. Nakita sang mga lider

sang mga pungsod nga ALBA importansya sang *sucre* indi lamang sa kahilwayan kag proteksyon sang baligyaanay sa ila kubay, kundi bilang depensa sa padayon nga pag-nubo sang balor sang dolyar. Proteksyon man ini batuk sa anuman nga maniobra sang US sa dolyar sini sa atubang sang malala nga krisis sa ekonomya subong sa US kag sa bilog nga kalibutan nga ginadominahan sang dolyar.

Nagapati man ang mga pungsod nga myembro sang ALBA nga maghatag-dalan man ang *sucre* sa pag-uswag sang ila taga ka ekonomya bisan sa indirekta nga paagi. Halimbawa, pwede sila nga maghiliusa sa pagtakda sang pareho nga buhis sa ginainport nga produkto halin sa iban pang pungsod, nga igabase sa kwartang *sucre*, para maengganyo kag maprotektahan ang mga nagatuhaw nga industriya sa taga nila ka pungsod. Kag bangud sa malapad-lapad man ang sakop sang ALBA, ang pag-angkon nila sang komun nga kwarta nga mahimo magtuga sang dibersipikasyon, kumplimentasyon kag kabilugan nga pag-uswag sang mga industriya sa sulod sang rehiyon sa baylo nga mansiganay sila sa ila nga mga produksyong industriyal kag mag-import na lang sang mas madamo pang mga produkto halin



Pres. Raul Castro sg Cuba (nawala) kag Pres.Hugo Chavez sg Venezuela



sa mga imperyalista kag iban pang pungsod (pareho halimbawa sang mga salakyan nga lunsay ginaimport pa halin sa US, pero pwede naman nga pagabululigan nga proyektuhon sang ALBA).

Ang dolyar gihapon ang gamiton nga kwarta sa pagbaligyaanay sang mga pungsod nga ALBA guwa sa sakop nga kasugtanan. Sa partikular, nagapabilin nga nakabase sa balor sang dolyar nga pangkalibutanon nga merkado ang pagpre-syo sang Venezuela sa gina-eksport sini nga langis pakadto sa US.

Bisan man, magserbing dugang nga engganyo ang paglunsar sang *sucre* sa pag-angkon sang bag-o nga mas istableng kwarta

pangbaligyaanay sa bilog nga kalibutan nga magabulos sa nagahuyango na nga dolyar. Madugay na ini nga ginaduso sang China, Iran kag madamo pang pungsod, luwas pa sa mga myembro sang ALBA.

Sa subong, nakasalig pa sa nagapungko nga mga lider sang ALBA ang pagamit sang *sucre* kag ang pag-entra sang mga pungsod nila sa rehiyunal nga alyansang baligyaanay. Ang kahinaan nga ini nagtampok sa nagahana nga pagatras sang Honduras sa ALBA kon indi makabalik ang maki-Wala nga presidente sini nga napatalsik sa katung-anan sang 2009 paagi sa kudeta nga ginsugyot kag ginpondohan sang US. AB

Kasaysayan sang ALBA

Ang pagtukod sang ALBA ginpangunahan ni Pres. Hugo Chavez sang Venezuela sadtong 2004 bilang alternatibo sa Free Trade Area of the Americas (FTAA) nga ginaduso sang imperyalismong US para magserbi nga sentro sang baligyaanay sa rehiyon sa idalom sang dominasyon sang US. Lakip sa mga myembro sang ALBA ang madamo nga pungsod sa Latin America: Venezuela, Cuba, Nicaragua, Ecuador, Bolivia, Antigua and Barbuda, Saint Vincent and the Grenadines, Dominica kag Honduras. Nagapungko naman bilang mga “estado nga obserber” ang Haite, Iran kag Uruguay.

Nag-umpisa ang ALBA bilang isa ka kasugtanan sa tunga sang Venezuela kag Cuba kag wala magdugay nag-entra man sa kasugtanan ang siyam pang pungsod sa Latin America. Ang kasugtanan nga ini nga nakabase sa integrasyon, kooperasyon, kag pagbuylog sang mga pungsod nga katapu sini nga may kinaiya nga anti-imperyalista kag may katuyuan nga siguraduhon ang proteksyon kag kapuslanan sang mga pungsod nga myembro diri.

Halimbawa, napauswag sini ang baligyaanay sa tunga sang Venezuela kag Cuba nga wala na ginapaagi sa bayluhanay sang kwarta kag wala na nakasalig sa dolyar. Nagaeksport ang Venezuela sang langis sa Cuba kag ginabayaran ini sa porma sang suporta sa mga programa pangkatilingban kag industriyal sang gubyrno sang Venezuela, pareho sang pagpadala sang mga duktor, manunudlo kag mga eksperto sa teknolohiyang industriyal. Nagaeksport man ang Venezuela sang langis sa Nicaragua kag ginabayluhan man ini sang Nicaragua sa porma sang mga produkto kag teknolohiyang agrikultural.

Isa ka pag-uswag sa amo nga sistema sang pagbayluhanay ang paggamit sang komun nga kwarta pangbaligyaanay nga wala na nakahigot sa dolyar kag indi na mapahilabtan sang mga imperyalista. AB

Effigy ni Obama, ginsunog sa Afghanistan

Ginsunog sang mga estudyante sa Afghanistan ang isa ka *effigy* ni US Pres. Barack Obama sang Disyembre 30 bilang protesta sa pagkamatay sang napulo ka sibilyan sa pinakaulihi nga operasyong militar sang US Special Forces.

Natabo ang operasyon sa prubinsya sang Kunar sang Disyembre 26. Siyam sa napulo ka sibilyan nga napatay mga estudyante. Nagakatulog ang mga biktima sang sila pangluthangon sang mga suldado nga Amerikano.

Linibo ka mga estudyante sang Nangahar University ang nagmartsa sa mga kalye kag nagasinggit sang “kamatayon” para kay Obama kag sa pwersang dumuluong. Nagbutang sila sang mga balabag sa mga mayor nga karsadahon pakadto sa Jalalabad, kapital sang prubinsya sa Nangahar.

Nanawagan man ang mga estudyante nga palayason ang mga pwersa sang US kag NATO kag ginaduso nila nga mag-angkon sang awtonomya sa pulitika ang pumuluyong Afghan. Nagpaandam sila nga mag-uyat sang armas sa baylo nga papel kag bolpen kon magpa-dayon pa ang gerang agresyon.

Ginsunog man nila ang bandera sang US antes magdispers. Nakatalana nga maglunsar sang pareho nga mga protesta ang mga pamatan-on sa Kabul, kabisera sang pungsod.

Ang pagkapatay sang madamo nga sibilyan sang walo ka tuig nga gerang agresyon sang US sa pungsod nga labi nga nagtuga sang grabeng kaakig sang pumuluyong Afghan sa papet nga presidente nga si Hamid Karzai kag sa mga dumuluong nga mananakop. AB

PISTON, batuk sa proyektong RFID

NAGLUNSAR sang hublag-protesta sining Enero 4 ang mga katapu sang Pinagkaisang Samahan ng mga Tsuper at Operators Nationwide (PISTON) sa atubang sang Land Transportation Office sa Quezon City para pumatukan ang pagkabit sang Radio Frequency Information Device (RFID) sa mga salakyan. Paagi sa mga RFID, mabasa gilayon sa elektronikong paagi ang datos sa rehistrasyon sang salakyan, modelo kag duag sini.

Ginsiling ni George San Mateo, pangkabilugan nga sekretaryo sang PISTON, nga ilegal ang nasambit nga proyekto, bangud wala sang *public bidding* nga ginhiwat, siling niya, indi naman ini epektibo kag pagkakitaan lamang sang mga kurakot nga upisyal ang nasambit nga proyekto. Nagalab-ot sa P350.00 ang balor sang RFID kag kon idugang pa ang P169.06 bayad sa pagproseso sini sa kompyuter, magaguwa nga P519.06 ang kabilugan nga balayran sa RFID. Ginsiling pa ni San Mateo nga dugang gastos lamang ini sa

mga motorista kag pwedeng magbu-nga pa ini sang pila ka paglapas sa tawhanong kinamatarung pareho sang kinamatarung nga protektahan ang pribadong impormasyon.

Ginsiling naman ni Bayan Munina Rep. Teddy Casiño nga ang aktual nga papel sang RFID magtipon sang pondo para sa maabot nga eleksyon. Siling niya, nagalab-ot lamang sa P10 ang matuod nga balor sang kada RFID base sa mga pagtuon, pero nagdaku ini sa P350.00. Masobra P2.45 bilyon ang pagakitaan sa RFID.

Naghatag sang panugyan si Casiño sa mga motorista nga indi anay magbakal sang RFID samtang wala pa nagdesisyon ang Korte Suprema bahin sa RFID. Nagpasa ka man sang petisyon para sa Temporary Restraining Order ang PISTON kag iban pang progresibong organisasyon para mapauntat ang implementasyon sang RFID.

Malaparan nga untat-byahe naman ang igalunsar sang PISTON kon magpadayon ang nasambit nga proyekto.

Nagadaku ang utang sang pungsod

NAGLAB-OT na sa P47,039 ang utang sang kada Pilipino subong nga 2010, mas mataas sa P45,889 sang nagligad nga tuig. Ginbase sang mga ekonomista ang pagtanta nga ini sa kabilugang utang sang gubyrno sang nagligad nga Septyembre nga P4.3 trilyon. Ang Pilipinas may kabilugan nga populasyon nga 92 milyon.

Padayon nga nagadaku ang pagpangutang sang gubyrno sa atubang sang nagadaku nga deposit sini sa badyet. Nagakahulugan ini sang dugang nga palas-anon

indi lang sang subong kundi sang masunod pa nga henerasyon.

Sang Nobyembre, ang deposit sa badyet sang gubyrno naggaabot sa P271.5 bilyon. Pagsulod sang 2010, nagaabot na ini sa halos P300 bilyon, suno kay Finance Sec. Margarito Teves. Lampas ini sa pagtanta sang Department of Finance nga P250 bilyong deposit.

Ginatan-aw nga nagadaku pa sa P4.7 trilyon ang utang sang gubyrno subong nga tuig. Kon matabo ini, mangin P50,000 na ang utang sang kada Pilipino.

Operasyon sang CIA sa Afghanistan, natublag

SUSPENDIDO ang operasyon sang isa ka mayor nga *forward operating base* sang Central Intelligence Agency (CIA) sang US sa Afghanistan sang mapatay ang madamo sa mga operatiba sini. Napatay ang pitong upisyal sang CIA pagkatapos magpalupok ang isa ka *suicide bomber* sa sulod sang base sang Disyembre 30. Anom ka istap man sang ahensya ang malubha nga napilasan.

Ginkumpirma ni Leon Panetta, hepe sang CIA, nga ang pito mga upisyal sang ahensyang paniktik sang US. Upod sa mga kaswalti ang nagapamuno sang ila operasyon paniktik sa Forward Operating Base Chapman sa prubinsya sang Khost, nabagatnan-sidlangan nga bahin sang Afghanistan.

Ang Forward Operating Base Chapman nga masobra 30 kilometros lang ang kalayuon sa dulunan sang Pakistan. Bunga sang insidente, nabulgar sa midya ang papel sang natumod nga likom nga base bilang sentro sang pagpangalap sang datos paniktik, pagtumod sang mga target para sa pag-atake sang mga eroplanong *drone* kag pagplano sang mga misyon para patyon ang mga ginadudahan nga gerilyang Pakistani kag Afghan. Sa Naaminhan-nakatungdan Pakistan pa lang, nagaabot na sa 600 ka katawo ang napatay sang *drone* halin sang Agosto 2008.

Untat subong ang operasyon sang base kag ginhunong ang nagalab-ot sa 150 mamumugon sini nga kadam-an mga Afghani.

Nakalusot pasulod sa base militar ang *suicide bomber* nga ginarekrut tani sang CIA para himuon nga impormer. Pinalupok niya ang dalang bomba sa *gym* sang base.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Tuig XLI No. 1
Enero 7, 2010
www.philippinerevolution.net

Editorial

Pataason ang lebel sang inaway banwa sa bag-ong dekada

Sa solido nga pusisyon subong ang Partido Komunista sang Pilipinas (PKP), Bag-ong Hangaway sang Banwa (BHB) kag rebolusyonaryong pumuluyo para mapasulong ang inaway banwa sa bag-ong dekada sa lebel nga wala pa sini nalab-ot sang nagligad.


Pinakamalig-on nga basehan sini ang natipon nga kusog, inagihan kag bulawanon nga kadalag-an sang inaway banwa sining nagligad nga masobra apat ka dekada, kag ang labi pa nga pagpanday sini bunga sang madinalag-on nga pag-atubang kag pagkapaslaw sa to-do-gera kag Oplan Bantay Laya sang rehimeng US-Arroyo sining natapos nga dekada.

Nakahatag sang dugang pa nga paborableng ob-hetibong kundisyon para sa labing pagsulong kag daku nga paglukso sang rebolusyong Pilipino ang paglubong sa depresyon sang pangkalibutanon nga sistemang kapitalista kag labi nga pagkalumos sa permanenteng krisis sang malakolonyal kag malapyudal nga sistema sa Pilipinas.

Determinado ang PKP kag tanan nga rebolusyonaryong pwersa nga tungdan ang mga hilikuton agud maglumpat sang daku ang inaway banwa sa una nga lima ka tuig sang bag-ong dekada halin sa lebel sang estratehikong depensiba padulong sa estratehikong pagkapatas.

Sa pag-atubang sang daku nga hangkat nga ini, madamo nga paghanda kag pagtinguha ang dapat pursigidong himuon sang tanan nga mga kadre, katapo, hangaway, aktibista kag rebolusyonaryong pumuluyo.

Una sa tanan, dapat labi pa nga padakuon kag pabaskugon ang Partido nga nagapamuno sa rebolusyonaryong hublag. Dapat pasanyugon ang pagrekrut labi na sa kubay sang mga mamumugon, iban pa nga



***Mga tampok sa
isyu nga ini...***

**Progresibong lider-
masa, nagsilong sa
BHB**
PAHINA 5

**16th IB, gin-ambus sa
Quezon**
PAHINA 6

**Hangkat sa
dominasyon sg dolyar
sa Latin America**
PAHINA 10

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com